

سه لکی در سعادت ایچون مجیدیه  
یکری غروش حسابله التمش  
غروشدر

طغره ایچون پوسته اجرتی اوله رق  
اون بش غروش ضم اولنور

نسخه سی ٤٠ پاره در

# تذکره محاکمات عدلیه

آبونه اولقی ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناتک بهرندن بر مجیدیه اخذ  
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## توضیحات

وظائف مودوعه سی حسن ایفا ایتکده اولسنه  
مبنی عدلیه نظارت جلیله سی سجل مأمورین مدیریتی  
قلمی کتبه سندن رفعتلو کمال افندی به رتبه نائیه  
توجیه بیورلمشدر.

## نشان

بوکره عهده سنه اناطولی قاضی سکرلکی پایه جلیلی  
وجیه بیوریلان محکمه تمیز اعضا سندن سماحتلو  
علی حیدر افندی حضرتلرینه تبدیلا برنجی رتبه دن  
مجیدی نشان ذیشانی احسان بیورلمشدر.

## تذکرات

جزا قانوننامه هایوننک یکرمی یدنجی ماده سی  
منطوقجه موقت کورک ویا قلعه بنسلاک جزالریله  
محکوم اولوب حکومتک رایله اموال و املاک  
اداره ایتک اوزره وکیل تعیین ایدنلرک عهده لرنده  
بولنان املاک صرفه ایله مسقفات موقوفه بی ماده  
مزبورده مرقم اداره تعیرینه نظراً بالوکاله آخره  
بیع و فراغ صلاحیتی دخی حائر اولوب اولمدق لرینک  
تعیینی حقنده وقوعبولان استفساره بناء کیفیت  
انجمن عدلیه جه لدی التذکر اولبایده تنظیم واعطا  
قلنان مذکرده ذکر اولنان ماده قانونیه ده کوسترادیکی  
اوزره بوقیل محکومینک یالکز معاملات عادیه  
ذاتیه دن ساقط اولوب تصرفات قولیه لرینک مرعیتی  
اساسه بناء تحت تملک لرنده بولنان اموال و املاک  
تعیین ایده جکلری وکیل معرفتیه اداره و حاصلات  
و منافعندن حبس خانه لر نظامنامه سنک جوازی  
دائرة سنده استفاده حق لری محفوظ اولدینی کی  
امراداره ایچون تعیین قلنان وکیللرک سالف الذکر  
غیرمنقولاتی کرک املاک صرفه دن اولسون و کرک

## محاکمات و مقدمات

محکمه تمیز استدعا دائره سندن تنظیم واعطا  
قلنان اعلامدر:

سلانیک ولایتی استیناف محکمه سی جزا  
دائرة سندن لاحق اولوب ٢١ تشرین ثانی سنه ٣٢٢  
تاریخنده تفهیم قلنان قراری حاوی ٢١ تشرین ثانی  
سنه ٣٢٢ تاریخلی وایکی یوز اوتوز بش عدلی  
اعلامک تمیزاً تدقیقی مستدعی محکمه مذکوره  
مدعی عمومیلکی جانبندن معطی ٢٣ تشرین ثانی سنه  
٣٢٢ تاریخلی استدعانامه واوراق متفرعه سی باش  
مدعی عمومیلک مأموریت بهیه سنک ٩ حیزران سنه  
٣٢٣ تاریخلی تبلیغنامه سی ایله محکمه تمیز استدعا  
دائرة سنه تودیع اولمش ولدی التذقیق استدعانامه  
مزبورک مدت قانونیه سنه موافق اولدینی اکلشلمش  
ایدوکنندن بالقبول تدقیقات تمیزیه اجراسنه ابتدار  
قلندی.

اعلام مذکورک خلاصه مالی مانیفاطوره جی  
سموئیل ولد صلامونی ضرب ایلدیکی ادعاسیله  
مظنون علیه مانیفاطوره جی ایساق ولد لیا هو مولخونک  
بدایه جریان ایدن محاکمه فعل مذکوره اجتهاساری  
اخبارات وعقیب وقعه ده تنظیم قلنان ضبط ورقه سی  
وطیب راپورلری دلاتیه ثابت اولدیغندن قانون  
جزانک یوز یتش طقوزنجی ماده سی حکمنه توفیقاً  
مرقوم ایساقندن مضروب ویرلک اوزره برلیرا

اخذینه دائر لاحق اولان حکم علیه ده محکوم مرقوم  
طرفندن وقوعبولان استیناف دعواسی اوزرینه جریان  
ایدن محاکمه و تدقیقات استینافیه نتیجه سنده بدایه  
جریان ایدن محاکمه و لاحق اولان حکم اصولنه  
موافق بولمش اولدیغندن حکم ابتدائی مزبورک  
تصدیقنه قرار ویرلدیکنندن عبارتدر.

لایحه تمیزیه ده محکمه ابتداییه جه استماع ایدیلان  
شاهد یاقونک اخباراتی مسموعاته مستند اولسنه مبنی  
دعوت واقعیه اجابت ایتیان دیگر شاهدلرک احضاراً  
جلبلری طلب ایدلمش ایکن محکمه استینافیه جه بلاسبب  
قانونی افادات مضبوطه لرینک قرائتیه اکتفا اولنمی  
مغایر قانون ایدوکنندن بحثله ذکر اولنان اعلام  
استینافینک نقضی استدعا ایدلمشدر.

تبایغنامه دخی لایحه تمیزیه ده نقصانی تدقیقات  
و معاملاتدن بحثله درمیان اولنان اعتراضات بحا  
کورندیکنندن اعلام میز بهک نقضی طلب اولنمشدر.  
ایجابی لدی المذاکره لایحه تمیزیه برمنوال محرر  
سرد ایدیلان اعتراضات مندرجات اعلامه نظراً وارد  
ونقض حکمی موجب اسباب قانونیه مستند بولمش  
ایدوکنندن اصول محاکمات جزاییه قانونک اوچیز  
اون دردنجی و اوچیز اون طقوزنجی ماده لری  
احکامنه توفیقاً اعلام استینافینک بر موجب طلب نقضه  
٤ اغستوس سنه ٣٢٣ تاریخنده متفقاً قرار ویرلدی.

حاجی عثمان اوغلی محمدی قتل ایتد کلری ادعا  
اولنمسنن دولای جنایتله اتهام اولنان موسانک اون  
بش وحسینک اوچ سنه مدله کورکه قونلرینه  
وسلمان ایله حسینک رائلرینه دائر صاروخان سنجانغی  
بدایت محکمه سی جزا دائرة سندن ویریلان ١٥٥  
نومرولی اعلام

خانه سی قصداً احراقه تصدی ایلدیکی ادعا  
اولنمسنن دولای جنایتله اتهام اولنان چولاق محرم  
بن مصطفانک اوچ سنه مدله کورکه قونلرینه دائر  
پرشته سنجانغی بدایت محکمه سی جزا دائرة سندن  
ویریلان ٤٦١ نومرولی اعلام



لاجرونی قتل قصديه جرح ايتديكي ادا اولنسندن دولاي جنايته اتهام اولنان يانينك اوج سنه مدته كوركه قولسنه دائر يانیه ولايتي استيف محكمه سی جزا دائره سندن ویریلان ۱۰۶ نومرولی اعلام

علكساندری قتل ايتديكي ادا اولنسندن دولاي جنايته اتهام اولنان يوركينك اون بش سنه مدته كوركه قولسنه دائر مدلولو سنجاني بدایت محكمه سی جزا دائره سندن ویریلان ۳۶۱ نومرولی اعلام

فاتحه محمد بك خانی جوارنده كبايجي صادقي قتل وقتل مذكوره معاونت ايتديكلى ادا اولنسندن دولاي جنايته اتهام اولنان يمينك اون بش وحسنك اوج سنه مدته كوركه قولنرينه دائر درسعادت جنايت محكمه سندن ویریلان ۴۷ نومرولی اعلام

جامع عتيق محله احمد بن مصطفى قتل ايتديكي ادا اولنسندن دولاي جنايته اتهام اولنان قسطنطينك اون بش سنه مدته كوركه قولسنه دائر لني سنجاني بدایت محكمه سی جزا دائره سندن ویریلان ۱۳۰ نومرولی اعلام

دول ليچيني قورشونه جرح ايتديكي ادا اولنسندن دولاي جنايته اتهام اولنان علوش بن سايانك اوج سنه مدته كوركه قولسنه دائر اشقودره ولايتي استيف محكمه سی جزا دائره سندن ویریلان ۴۱ نومرولی اعلام

ترزي محله خليل بن يعقوب قتل ايتديكي ادا اولنسندن دولاي جنايته اتهام اولنان يوسف بن حليمك اون بش سنه مدته كوركه قولسنه دائر پرزين سنجاني بدایت محكمه سی جزا دائره سندن ویریلان ۲۰۰ نومرولی اعلام

چورك محله احمد بن مؤمن قتل قصديه جرح ايتديكي ادا اولنسندن دولاي جنايته اتهام اولنان ييزامك اوج سنه مدته كوركه قولسنه دائر قوصوه ولايتي استيف محكمه سی جزا دائره سندن ویریلان ۲۲۷ نومرولی اعلام محكمه تميز جزا دائره سنجيه تصديق قلمشدر .

نومرولی نسخه ده مندرج در سعادت

جنايت محكمه سی اعلامنك بقیه سی :

استيضاح واقع اوزرينه طرفينك توسيع تحقيقاته متعلق مطالبي اولديني اكلاشدقندن صوكره تحقيقاتك تكامل ايتديكي بيان اولندقده معاون مومی اليه متهملرك قتل قصديه بالاشتراك حسینی جرح ايتديكلى حاليه اسباب مانعه حيولتيله ماده قتل فعله

چيقاره مدقلى شهادت و كندولرينك صورت افاده لری وقبل الوقعه مشتكي اولديرك اوزره ارادقلىرينك خبر ویرلسی ومعاينه راپوری مندرجاتی دلالاتی اليه ثابت اولديغندن بمثل مجرميتلرينه قرار ویرلسنی طلب ایدی . مدافعه وكيلي اقباس افندی شاهدلك على الدرجات افادانه قارشو بوفلك موكلری طرفندن ايقاع ايدنامش اولديني مدافعه درميان اولته منرسده صورت اخباراتندن آرذرنده منازعه واقع اولهرق مجروح حسینی افنديك دخی موكلارندن آندونی جرح ايتديكي اكلاشمقده اولديني ومهرنقدر موكللرينك اولديره كمك ديدكي اخبار اولمش ايسده بوسوز دلالت جهته قتل قصدينه كفايت ایده ميوب چونكه قصد اولسه دها تهللكلى موضعندن جرح ايدجكلى طبعی ايدوكى بيان اليه عادى جرح فعلتك فاعلى اولدقلىرينه قرار اعطاسنی استدعا ومتهملر اليه مشتكي حسینی افندی دخی ديه جكلى اولديني انبا ايتلرله محاكمه نك اختتامی بيلديريهرك مذاكره اوطنه سنه كلندی .

محاکات جاريه دن استتاج اولنان احوال وبنيانه واوراق تحقيقيه مطالعه سندن استخراج اولنان دلائل واماراته امان نظر اولنه رقی يونان قيجلاريه سی ترجمانلرندن موسيو قسطنطين اكسانتوبلو حاضر اولديني حاليه ايجاب كيفيت لدى المذاكره متهماتندن آندون ویراسيمونك طلومه تعمير جیسی حسینی قتل قصديه بالاشتراك جرح ايتلری ماده سيله اتهام وعليلرندن دعوايه قيام اولمقندن ناشی مجاوبه لرنده برطاق ميان كلاملر سرد اليه انكاره تصدی ايتلرينه قارشو وقعه كونی حسینی اورلدی ديمرله طيشاريه يچيقوب باقدیقنده حسينك باشی آچيق وآيانی چيلاق اولديني حاليه كندرسنی اورانلك آرقداشی اولق اوزره قاجيرلامسی اخطاريله متهماتندن راسيمون كوستردیكي حقوق عموميه شاهدلرندن خير الدين بك ويوم كائنه اولان چهارشنبه كونی ساعت درت قرارلرنده آندون ویراسيمو كندوسنك بولنديني حسن بك قهوه خانه سنه كلهرك راسيمو طيشار وده طوروب وآندون قهوه خانه ايجروسنه كيروب نظرنسندن امراروحی نره در دبواستفسار ايتديكي ويوم مذكور اخشامی زقافده ايتديكي كورانی اوزرينه چيقوب باقدیقنده راسيمو حسينك يوزينه برطوقات اورهرق يره دوشورمسيله باشندن طوته رقی آندونكده جرح ايتكده اولديني وحسینك قاجوب قورتلديني مشاهد ايلديكي كی يوم وقعه دن اول يعني بازار بازار ايرتسی صالی كونلری دخی مرقوم آندون سكران ونكران اولهرق حسینی

تحریر ايتديكي رشيد اغا وحسن بك قهوه خانه سنده يلكه كيمك اوزره آيآنده بولنديني صروده عصمت اغاك دكافی اوكنده حسینی ومتهمات آندون ویراسيمودن عبارت اولان اوج شخصك منازعه ايتديكي كورمسی وحسینك اورلدی دیوفرياد ايتسی اوزرينه آندونك يباغی بوكرهك طوبخانه به طوغری قاجديني ویراسيمو حسينك جا كندندن طوته رقی ايكيسنك برلكده يره دوشميرله آندونك اوج درت دفعه يباغی حسينك آرقه سنه صوقوب چيقاردیني ومجروح حسينك فرار قورتلديني علی عثمان افندی وايشنديكي بركورلتي اوزرينه طيشارويه چيقوب باقدیقنده جادونك اورته سنده برقی اليه اوجاوردده مظنونلرندن راسيموني وجهاً متغير اولديني حاليه كورمسی معقب قريباش زقافنده مجروحك باشی آچيق وصول الي بوكرنده بولنديني واوكه طوغری مللو اولديني حاليه كابوب مذكور فسی كيدكن صوكره اورده لقي كوردیكي راسيمو ايجون بی اورانلرندن برسیده بودر قاجيرميز ديدكي وحسینك بك وجاكتی آجديغنده اوموزندن كوكتنه قدر نيتنی قان اليه ملمع اولديني كوردیكنی توفيق بك ومتهمات مرقومانك واسيلك قهوه خانه سنده سكران اولهرق بورانك صفاللی حسینی واكتلی محمد ناملرنده قباديلری وارایش نرده بزكلك واسيل حقنده هانكي قبادانی لاف ایده جك بوكون انجقي آدم اولديرك ايجون كلك ديدكلى وبوحالك حسینی طرفندن واسيله عشرت ايتديريامسی حقنده وقوع بولان اخطارندن نشأت ايتديكي قهوه جراسماعيل جانلرندن محكمه ده مع القسم وعلى الدرجات اخبار وتبين اولنسنه واستطاقامه سی قرائت اولنان حسین چارشك افاده سیده شهادت واقعه يه موافق بولنسنه ومتهماتك شاهدلك بری ايجون مجروح حسينك دكانده اقامت ايدر سوزینی ایراد ديكبر يرينه ده قول مجرده آبدال صفتی اسناد ايتلری شهادتلرينه خلل كوتورممامسنه وكاه منازعه نی انكار وكاه اقرار وبعضاً مجروح حسینی طانيدقلىنی وبعضاً طانيز اولدقلىنی تذكار ايتلریله توفيق قبول ايتمه حلك صورتده افاده لرنده تناقض كورلنسندن ناشی دعوانك قرین اصابت اولسی لازم كلسنه نظراً متهماتك انكارلری قرین بطلان ومدافعاتك دخی بمخته كلنجيه شاهدلك شهادتلى وقوع فعله راجع وماهيت كائنه اعتباريله ادا اولنان فعلك متهمات طرفندن حدوتی مثبت ينه دلائل وقرائتی جامع يعني شاهدلرندن بعضيسنك وقعه ايجون ساعت اون يچق ديو افاده وبعضيسنك اون بر راده لرنده اولديني واخشام وقی ايدوكى حكاية ايتلری چونكه اولوقت ساعته باقامش

اولدقلى وساعت اون بر راده سيله اون بر اولديني واقشاموقی ايدوكى سوزلری برزمانه معطوف اولهرق مابيت تشكيل ايتيه جكندن شهادتك اصابته وعدم مبايتيه وجدان قانع اولديني وراپور موجبسنه جروحك موضعی نازك وچونكه بوش بوكر وقابورغه وقطيه چيتلرندن ايقاعه بناء مهلك اولديغندن وجهاً شهادتندن بولنديني وجهله متهماتك يوم وقعه دن مقدم دخی حسینی جرح ايتك اوزره تحریر ايتلرندن آدم اولديرك ايجون كلك ديملرندن ومجروحك قاجوب قورتلنسندن قتل قصدی نمایان اولسی ملاساييه غير قرین قبول وغايه الامر متهملرندن آندونك اوجيوز يكرمی اوج سسیمی مارتك اون دردنچي كونی طوبخانه ده بوغاز كسان جاده سنده برادری راسيمونك معازتيله طلومه تعمير جیسی حسینی قتل قصديه جرح ايتديكي حاليه جريج مرقومك فرار ايتسی اسباب مانعه سنك حيولتيله ماده قتل فعله چيقمامش اولديني حيز نبوته موصول اولديغندن مرقومان آندون ویراسيمونك اول وجهله مجرميتلرينه وجاهاً ومتفقاً قرار ویريلهرك محاكمه اوطنه سنه عودتله قرار مذكور علناً قرائت وبیان اولندقده معاون مومی اليه مجرملرندن آندونك قانون جزانك يوز سكسانجی ویراسيمونك دخی قرق بشنجی ماده سی دلالتيله مذكور يوز سكسانجی ماده سنه توفيقاً تحديد مجازاتی طلب وادعا ومشتكي مجروح كندوسنك يارم قالدیقندن حقوق شخصيه سنك محافظه سنی استدعا ومتهملر ديه جكلى اولديني انبا ايتلرله بوجهت حتنده دخی محاكمه نك ختام بولنديني جهراً بيلديريهرك تكرار مذاكره اوطنه سنه كلندی .

ترجمان مومی اليه حاضر اولديني حاليه جهت جزائييه حقنده دخی مذاكره كيفيت اولندقده مجرملرندن آندونك حرکتي قانون هايون جزانك يوز سكسانجی ماده سنه ویراسيمونك حرکتي قانون من بورك قرق بشنجی ماده سی دلالتيله كذا ماده مذكوره يه موافق كوردیكندن ومادتين مذكور تينده (اكر جرح وضرب فعلی ذاتاً قتل قصديه اولوبده جارح وضاربك يد اختياريه اوليان اسباب مانعه حيولتيله ماده قتل فعله چيقمامش ايدوكى تين ايلر ايسه ياره وبره سی كرك اغر اولسون وكرك خفيف اولسون مواد ثلثه سابقه ده بيان اولنديني وجهله جرح وضربك درجه سنه كوره حكم اولته جق ديت وياخود مقدار معلوم مبلغ اليه مصارف جراحیه سی استيفا اولندقدن صوكره جارح وضارب اولان كيمسه هر حاله موقتاً كوركه قولنور وبرجرك مشترك فاعلری قانونك صراحتی اوليان مواده اول جرمك

فاعل مستقلى كی مجازات اولنور ) ديومحرر اولديغندن اشبو احكام قانونيه توفيقاً وآندونك ابتدای توقيفی اولان ۳۲۵ سنه سی صفرينك اون بشنجی كونندن ویراسيمونك دخی تاريخ توقيفی اولان سنه مذكوره جمادی الآخره سنك يكرمی يديسنندن اعتباراً اوچر سنه مدته كوركه قولنرينه ومجروح حسينك عیلى قالدیني برحقیت فييه اقتران ايتديكندن يعني طبيب راپورندن بوخصوص نمایان اولديغندن بالكر مصارف جراحیه اولان التي يوز غروش واوتوز كونك يوميه بدلی اولان اوچيوز غروشكه جماعاً طقوز يوز غروشك مرقوماندى بالاستيصال مجروح حسینی ویرلسنه ومصارف محاكمه اولان يوزسكان غروشك دخی كذاك كندولرندن آروچه بالاستيفا تسليم وزنه ايتديريلسنه ۳۲۳ سنه سی تموزينك يكرمی بشنجی كونی وجاهاً ومتفقاً قرار ویريلهرك اصول تفهیمی اجرا قلندی .

## مجازاتلار نډ باهيته

سلط قضایي بدایت محكمه سی اعضای سابقه سندن مستطقلك وظیفه سنی ايقا ایدن فرح ومدعی عمومی معاونی وکیل زاندارمه يوزباشی عمر افنديرك ايقای مأموریت حاليه يكدیكری تحقیر ايتديكلى وفرح افنديك خلاف اصول توقيف وتخليه اشخاصه جرائی سوريه ولايتی استيف محكمه سی مدعی عموميلكندن وارد اولان اوراق تحقيقيه مندرجاندن اكلاشمغله اجرای محاكمه لرینه عدليه نظارت جليله سنجه مأذونیت ویريلهرك مذكور مدعی عموميلك تبليغات مقتضيه اجرا ايدلمشدر .

## اعلانات

درسمارت جنابت محكمه سنده :

موسيو اوليونك موده ده متصرف اولديني درت باب خانه دن برسنی بالاستيجار احراق ايلديكلى ادا اولنسندن طولانی مؤبداً كورك جراسيله محكوم يانقو وظفیرينك شريك جرملری اولدقلى بيانيه مظنون عليهما اولوب غیباً جنايته اتهام ايداش اولان وقاضی كوينده سكودلی چشمه ده علی قافله نك خانه رينك بریسنده مستأجراً اقامته قاضی كوينده اجزاجی دكانك قارشوسنده غازينوچليق ايتكده ايكن قرار ایدن اوزونجه بويي ملحمجه وجودلی قرال صاج وقاشلی دوز آللی الاكوزلی قره بيقلى قير واوزونجه صقاللی اسمر يوزلی يونان دولتی تبعه سندن التمش بش

باشنده موردي حجره بورکی ولدیان ايله قاضی كوينده چارقي محله سنده دولكر قوچونك مستأجر بولنديني خانه نك براوطه سنده اقامت ایدن قيصه بويي سياه صاجلی دوزاللی آزقاشلی قره كوزلی سيورنجه برونلی انجه قرال بيقلى اسمر يوزلی قرق بش ياشلرنده ساقزلی بانچوان قسطنی ولدميخال در دست ايديله مامش اولدقلىرندن جانب رياستندن قانونه اطاعتله محكمه يه كلری ايجون تاريخندن اعتباراً مجدداً اون كون مهل اعطا قلمشدر . مهل معين ظرفده كلديكلى حاليه قانونه اطاعت ايتماش نظريه باقيه رقی حقوق مدنيه دن اسقاط قلنجقلى ومحاكمه غيايهری ائشاده ماللرينك تحت حيزه آلنه جنی وبالجله ضابطه عدليه مأمورلرينك كندولرني طوطعه مجبور بولدقلى كی معاملات حيزيه حقنده دخی مدعی عموميلك تبليغات مقتضيه اجرا ايدلديكي جهته اصول محاکات جزائييه قانونك اوجيوز تيمش رنجی واوجيوز تيمش ايكنجی ماده لرندن استنباط اولنان احكامه توفيقاً اشبو قرارنامه بالتظلم اعلان اولنور .

نجات عربه محكمه سنده

تجارت بحريه محكمه سنج افلاسه قرار ویرلش اولان (آ. و ق مانچوريدی برادرل) شرکته عائد درت رأس آراه باركولرينك بالمزايده فروختي مقرر اولديغندن اشترايه طالب اولانلرك ۳۲۳ سنه سی تشرین تائيسنك اون ايكنجی بازار ايرتسی كونی ساعت درت راده لرنده فاتح جوارنده آت بازارنده حاضر بولنلری اعلان اولنور .

محكمه نجات امرا داره سنده

سلانك باقه سنك ايكنجی محكمه تجارندن ویریلان وصورتی اعلاناً تبليغ قلنان ۲۱ تموز سنه ۳۲۰ تاريخی اعلام موجبسنه احمد خیري افندی ذمتنده محكوم يه الاجنی اولان درتبيك التیوز اون ايكی غروشك بر موجب اعلام استيفاسيچون مديون مرقومك صهانيه سنجاقدار خير الدين محله سنده اوزونجه اويه زقافنده قرق بش وقرق يدی نورموراييه مرقم علی التخصين يوز بش زراع عتيق مقداری بر قطعه عرصه موقع مزايديه قولنشدی قانوناً اجرا واکال ايدیلان مدت مزايده ده مذكور عرصه عثمانی ايراسی يوز غروش حسابيله بيك التیوز غروشده غير خاتون نامنه اولق اوزره كرويه افندی عهدسنده تقرر ايدرك قرار قطعی ویرلش اولديغندن اشبو تشرین ثاني رومينك اون دردنچي چهارشنبه كونندن اعتباراً



اون بش كونه قدر دفترخاقانی نظارت جلیله سنه كیدرك  
تقریر ویرمك اوزره مدیون مرقومك محكمه تجارت  
اجرا دائره سنه كمسنی وبومدت ظرفنده دائره اجراه  
مراجعت وقوعبولمدینی حالده تقریرینه باقلمقسزین  
فراغ معامله سنك اجرا ایندیریه جكنی مین تنظیم  
قلنان اشبو اخبارنامه مرقومك اقامتكاهی مجهول  
بولنق ملاسه سیله دائره مذكوره دیوانخانه سنه تعلیق  
اولندینی كبی غزته لرله دخی اعلاننه مبادرت قلندی.

#### اسكدار بدایت محكمه سی اجرا دائره سنده

علی فوآد بكك عقیفه خاتم ذمتنده اسكدار بدایت  
محكمه سی اعلامیه آلاجنی اولان مبالغ معلومه نك  
تأمین استیفاسی ضمتنده مدیونه مومی الیهایه ارثاً  
انتقالی لازم كلان وداین مومی الیه فوآد بك نامه  
وفاء مفورغ اولوب فروختی محكوم بولنان غلطه ده  
كانكش قره مصطفی پاشا محله سنده لیلیجی زواقغنده  
كائن آلتنده بر باب دكائی مشتمل توسیع انتقالو  
یكرمی بر مكرریكرمی بر نومرو لرایله مرقم معلوم الحدود  
تخمیناً طقسان زراع عرصه اوزرینه مینی ایکی قاتدن  
عبارت بهر قاتده ایکشیر اوطه ایله مشتملات سائرینی  
حاوی بر باب خانه لدی المزیاده عثمانی التونی یوزغروش  
حسابیله التمش بیک غروشه طالبی عهده سنده قلمش  
واشبو تشرین ثانی رومینك اون ایکنجی بازار ایرتسی  
كونندن اعتباراً اوتوزبر کون یعنی کله جك كانون اولك  
اون اوچنجی پنجشنبه کونی ساعت بشدن طقوزه قدر  
یوزده بش ضم قبول اولنسی و ذکراولنان یوم وساعتده  
صوك مزایده سی بالاجرا قرار قطعسی ویریلهرک  
طالبی عهده سنه کچورلمسی مقرر بولنش اولدیغندن  
وآندن صکره هر نه ضم وقوع بولور ایسه قبول  
اولنیه جغندن املاک مذکوره حصه لرینه یوزده بش  
ضم ایله طالب اولانلرک واطرافلیجه معلومات آلق  
استیانلرک مدت مزبوره ظرفنده بدل مزایده نك  
عشرینه مساوی پی اچهلرله برابر اسكدار بدایت  
محكمه سی اجرا دائره سنه مراجعت ایللری اعلان  
اولنور.

اسكدار جهتی نظامیه فرون مأموری عساكر  
شاهانه قول اغالردن قوتلو عثمان افندینك ارکوبلی  
حسین اغا ذمتنده اسكدار بدایت محكمه سی حقوق  
دائره سندن لاحق اولان اعلام موجبجه آلهجنی  
بولنان مبالغ معلومه نك تأمین استیفاسی ضمتنده  
محجوز اولوب مدیون مرقومك نام آخره اولان  
اوچیز طقسان ایکی عدد لیرای عثمانی دینی مقابلنده  
و کالت دوریه شرعیه ایله وفاء مفورغ بولنان آیاصوفیه

کیر محله سنده دیوان یولی جاده سنده قرق طقوز  
نومرو ایله مرقم معلوم الحدود تخمیناً سکسان ذراع  
عرصه اوزرینه مینی الیوم آشجی دكائی اولهرق  
استعمال اولمقده و شهری اوچ عدد عثمانی لیراسی  
ایجار کتورمکده بولنان کارکیر بر باب دكان دروننده  
مستقر نظامی و توسیع انتقالو بر عدد بربر کدکی ایله  
ملکی لدی المزیاده لیرای عثمانی یوز غروش حسابیله  
اوتوز بیک غروشه طالبی عهده سنده تقرر ایش  
اولمغه تاریخ اعلاندن اعتباراً اوتوزبر کون ظرفنده  
یوزده بش ضم ایله طالب اولانلرک وبوندن زیاده  
معلومات آلق ایستینلرک یوزده اون نسبتنده پی  
اچهلرینی مستصحباً اسكدار بدایت محكمه سی اجرا  
دائره سنه مراجعت ایللری ومدت مذکوره ختامنده  
یعنی كانون اول رومینك اون برنجی صالی کونی قرار  
قطعسی کشیده قلنه جغندن یوم مذکوره ساعت  
التیدن اونه قدر سالف الذکر املاک پیشکاهنده مأموری  
مواجهه سنده حاضر بولملری اعلان اولنور.

#### مناسرت تجارت محكمه سنده

تجارتکاهی مناسترده خلیل پاشا چارشوسنده  
واقع شویلا برادرلر تجارتخانه سنده ۱۷ تشرین اول  
سنه ۳۲۳ تاریخندن اعتباراً اعلان افلاسنه و مصالح  
افلاسیه نك رؤیت و تسویه سی ضمتنده اعضای محكمه دن  
رفعتلو یینا کی افندینك ژورقومیسر ودعوی وکیللردن  
اسحق اردیتی ایله نیقوله چنغاره و تجارت اوطه سنده  
مقید تجارندن الکیویادی قوقانجه افندیلرک موقت  
سندیک تعینلرینه و مذکور مغازه ایله درسعادته  
دیقرانیان خاندنه کی مغازه لری واشیای زائده بیتیه لرینك  
تمهیرینه واوراق ودفاترینك جلبنه و شرکت اعضاسندن  
اولدقلری خبر ویریلان طاکی نام دیکری دیمتری (ق)  
شویلا و طاشقو نام دیکری اناستاس (ق) شوییلانك  
یوزلیرالق کفالت مصدقه ارئه ایده مدکلری تقدیرده  
حبس و توقیف لرینه و بوبابده کی قرارک موقتاً اجراسنه  
مناستر تجارت محكمه سنجه قرار ویرلش اولدیغندن  
قانوننامه تجارتك ۱۷۰ نجی ماده سی موجبجه  
دائمی سندیکلر انتخاب اولنق اوزره ۳۲۳ سنه سی  
تشرین ثانیسنك اون سکننجی بازار کونی ساعت بش  
راده لرنده اصحاب مطلوبك محكمه مذکوره نك افلاس  
معاملاتنه مخصوص اوطه سنه کللری اعلان اولنور.

#### اورنه تجارت محكمه سنده

مفلس یوده و دانائیل اسکنازینك عهده تصرفنده  
اولوب اولجه موقع مزایده یه حیقارلش اولان  
ادرنده عباچیلر باشنده معلوم الحدود ایکی باب دكائی

عند المزیاده لیرا یوز غروش حسابیله اوتوز بیک  
یوز الی غروشه طالبی عهده سنده تقرر ایدرك  
موقت قرارداده سی کشیده قلمش اولدیغندن ۱۸  
تشرین اول سنه ۳۲۳ تاریخندن اعتباراً اوتوزبر کون  
ظرفنده حاله قطعیه سی اجرا قلمش اوزره یوزده  
بش ضم ایله طالب اولانلرک یوزده اون نسبتنده پی  
اچه سیله ادرنه ولایتی تجارت محكمه سنه مراجعت  
ایللری اعلان اولنور.

#### النه تجارت محكمه سنده :

آطه ده قره صوفی چارشوسنده مقیم ترزی  
مغردیج توتونچیانك ۱۵ تشرین اول سنه ۳۲۳ تاریخندن  
اعتباراً اعلان افلاسنه و مصالح افلاسیه نك رؤیت  
و تسویه سی ضمتنده اعضای محكمه دن رفعتلو باندلی  
افندینك ژورقومیسر ودعوی وکیللردن کریاقو  
افندینك موقت سندیک تعینلرینه و مغازه سیله اشای  
زائده بیتیه سنك تمهیرینه واوراق ودفاترینك جلبنه  
و کفالت مصدقه ارئه ایده مدیکی تقدیرده حبس  
و توقیفه و بوبابده کی قرارک موقتاً اجراسنه آطه  
تجارت محكمه سنجه قرار ویرلش اولدیغندن قانوننامه  
تجارتك ۱۷۰ نجی ماده سی موجبجه دائمی سندیکلر  
انتخاب اولنق اوزره ۳۲۳ سنه سی تشرین ثانیسنك  
اون ایکنجی بازار ایرتسی کونی ساعت التی راده لرند  
اصحاب مطلوبك محكمه مذکوره نك مصالح افلاسیه  
رؤیتنه مخصوص اوطه سنه کللری اعلان اولنور.

آطه ده یکی بدستانده مانیفاطوره تجارندن باغیان  
ابراهامك ۳۱ تشرین اول سنه ۳۲۳ تاریخندن اعتباراً  
اعلان افلاسنه و مصالح افلاسیه نك رؤیت و تسویه سی  
ضمتنده اعضای محكمه دن رفعتلو محمود افندینك  
ژورقومیسر ودعوی وکیللردن لامع افندینك موقت  
سندیک تعینلرینه و مغازه سیله اشای زائده بیتیه سنك  
تمهیرینه واوراق ودفاترینك جلبنه و کفالت مصدقه  
ارئه ایده مدیکی تقدیرده حبس و توقیفه و بوبابده کی  
قرارک موقتاً اجراسنه آطه تجارت محكمه سنجه  
قرار ویرلش اولدیغندن قانوننامه تجارتك ۱۷۰ نجی  
ماده سی موجبجه دائمی سندیکلر انتخاب اولنق اوزره  
۳۲۳ سنه سی تشرین ثانیسنك اون دردننجی چهارشنبه  
کونی ساعت التی راده لرند اصحاب مطلوبك محكمه  
مذکوره نك مصالح افلاسیه رؤیتنه مخصوص اوطه سنه  
کللری اعلان اولنور.